



Algemene Sportbeleid 2020

DOKUMENT ONTWIKKELING EN GOEDKEURING

Verantwoordelik	Detail	Naam	Handtekening	Datum
Outeur	Sporthoof	Marléne Nel		24-09-2018
Goedgekeur	Sporthoof	Marléne Nel		15-02-2020
Goedgekeur	Beheerliggaam: Voorsitter	Dawid Durie		
Goedgekeur	Beheerliggaamlid	Lindy Lake-Roode		
Gepubliseer	In Beleidslêer	Marléne Nel		
	Op webwerf	Marléne Nel		18-02-2020
	Gekommunikeer	Marléne Nel		10-02-2020



DOKUMENT GESKIEDENIS

Weergawe	Datum	Beskrywing
1	2020	Hierdie beleid is van toepassing op die 2020 Akademiese jaar en kan gedeeltelik of as geheel oorgedra word na die 2021 Akademiese jaar. Wysigings en aanpassings kan jaarliks gemaak word soos die behoefte ontstaan



INHOUDSOPGAWE

1. SPORT 2020.....	4
1.1 BESTUURSTRUKTUUR	4
1.2 HOOFDOELWIT	4
1.3 AFRIGTERS EN BUITE-AFRIGTERS.....	5
1.4 SPANKEUSES	6
1.5 OUDERDOMSVERTEENWOORDIGING.....	6
1.6 OUERBETROKKENHEID EN GEDRAG	6
1.7 SPORTDRAG, TOERUSTING EN FASILITEITE	7
1.8 BORGE.....	7
1.9 OEFENING	7
1.10 NOODHULP	8
1.11 TOERE, KLINIEKE, KAMPE EN/OF UITSTAPPIES	8
1.12 KLAGTES EN PROSEDURES.....	8
1.13 VERVOER EN VEILIGHEID	8
1.14 AFSLUITINGSFUNKSIE.....	9
1.15 SPORT MERIETEFUNKSIE.....	9
1.16 SPORTKODES.....	10



1. SPORT 2020

1.1 BESTUURSTRUKTUUR

Laerskool Louis Leipoldt se sportstruktuur resorteer onder die algemene besluit van die skoolhoof, adjunkhoof, sporthoof, organiseerder en afrigters en staan bekend as die sportkomitee. Hierdie persone is self betrokke by die bestuur en/of afrigting van die verskillende sportaktiwiteite.

Skematiese voorstelling van die sporthiërargie:

BEHEERLIGGAAM: SPORT
SKOOLHOOF
ADJUNKHOOF
SPORHOOF
ORGANISEERDERS VAN VERSKEIE SPORTSOORTE
AFRIGTERS VAN VERSKEIE SPORTSOORTE
SPELERS

1.2 HOOFDOELWIT

In samewerking met akademiese- en kulturele ontwikkeling moet sport daartoe bydra dat die speler as volwaardige mens ontwikkel op emosionele-, fisiese- en intellektuele gebied. Dit lei tot die ontwikkeling van lewensvaardighede soos kommunikasie, leierskapontwikkeling, krisisbestuur, algemene dissipline, verantwoordelikheid en goeie menseverhoudinge. Sport ontwikkel spelers tot gebalanseerde deelnemers in die samelewing en dien as voorbereiding tot die hoëskool- en volwasse lewe.

Liefde vir die sport moet gekweek word. Elke leerder moet die geleentheid gebied word om aan 'n sportsoort, soos deur skool aangebied, deel te neem. Hierdie spelers moet ingeskrewe leerders by Laerskool Louis Leipoldt wees. Daar sal gepoog word om elke leerder op hul eie unieke vlak te benader.

Daar moet sover moontlik toegesien word dat afrigters die nodige beleide en regulasies vir elke afsonderlike sport nakom.

Ouers moet bewus wees van verwagtinge aangaande hul optredes as Louis Leipoldt ouers in alle opsigte.

Afrigters, hulpafrigters, ouers en leerders moet ondersteun word om binne die onderskeie sportsoorte se beleidsrigtings, onderhewig aan die algemene sportbeleid, die leerders te ontwikkel,



asook om binne spanverband onder die vaandel van Laerskool Louis Leipoldt, as trotse Leipies deel te neem. Hierdie onderskeie beleide is van toepassing op elke persoon betrokke by Louis Leipoldt se sport.

1.3 AFRIGTERS EN BUIE-AFRIGTERS

Afrigters by Laerskool Louis Leipoldt is die onderwysers wat by Louis Leipoldt skoolhou. Wanneer verwys word na “afrigter” in hierdie beleidsdokument, word daar verwys na onderwysers wat die afrigting behartig. Hierdie afrigters is uitsluitlik verantwoordelik vir die logistiek en afrigting in die spesifieke sportsoort en ouderdomsgroep waaroor sy aangestel is. Afrigters word deur die organiseerder in samewerking met die sporthoof, skoolhoof en adjunkhoof aangewys. Elke span moet ten minste een afrigter hê.

Daar moet gepoog word dat afrigters ten alle tye gekwalifiseerd is en die nodige kursusse bywoon soos aangebied deur kundiges. 'n Afrigter sal na die nodige oefenkampe en kursusse gestuur word indien sy oor die vaardighede beskik.

Buite-afrigters (of ook genoem hulp-afrigters) is enige ander persoon wat help met afrigting by die skool. Buite-afrigters word slegs gebruik indien daar 'n behoefte ontstaan vir addisionele hulp en word deur die afrigters geïdentifiseer. Die aanstelling van 'n buite-afrigter moet aan die sportbestuur voorgelê word vir goedkeuring en mag nie 'n hoofafrigter van enige A-span wees nie. Indien daar bevind word dat so 'n buite-afrigter nie gekwalifiseerd is binne die riglyne vir buite-afrigters nie, kan so 'n aanstelling geweier word. Buite-afrigters moet aan die afrigter van die betrokke span en/of ouderdomsgroep rapporteer. Ouers wat kundiges is op 'n sportgebied, mag betrokke raak (indien behoefte ontstaan) as buite-afrigters, maar mag nie aangewend word in die span waar sy/haar kinders betrokke is nie.

Die afrigters moet bevoeg wees vir hul taak en mag vergoed word uit die betrokke sport se begroting, mits daar voorsiening gemaak is in die begroting vir hulp-afrigters.

Die skoolhoof en adjunkhoof hanteer die vergoeding soos ooreengekom met die buite-afrigters. Kundige buite-afrigters moet voor die aanvang van 'n seisoen genader word om seker te maak hulle is beskikbaar vir afrigting. Alle reëls wat vir onderwysers geld, geld ook vir buite-afrigters.

Buite-afrigters (of ook genoem hulp-afrigters) is enige ander persoon wat help met afrigting by die skool. Buite-afrigters word slegs gebruik indien daar 'n behoefte ontstaan vir addisionele hulp en word deur die afrigters geïdentifiseer. Die aanstelling van 'n buite-afrigter moet aan die sportbestuur voorgelê word vir goedkeuring en mag nie hoofafrigter van enige A-span wees nie. Indien daar bevind word dat so 'n buite-afrigter nie gekwalifiseerd is binne die riglyne vir buite-afrigters nie, kan so 'n aanstelling geweier word. Buite-afrigters moet aan die afrigter van die betrokke sportsoort en/of ouderdomsgroep rapporteer. Ouers wat kundiges is op 'n sportgebied, mag betrokke raak as buite-afrigters, maar mag nie aangewend word in die span waar sy/haar kinders betrokke is nie.



Geen sport mag beoefen word sonder die toesig van die betrokke afrigter nie. Daar word van 'n afrigter verwag om teenwoordig te wees as sy span betrokke is in wedstryde. Spelers se veiligheid moet onder alle omstandighede prioriteit geniet.

Deelnemers/leerlinge se veiligheid moet onder alle omstandighede prioriteit geniet. Afrigters is verantwoordelik hiervoor in die sport en ouderdomsgroep waarvoor aangestel is. Indien enigiemand se veiligheid op die spel is moet so 'n sport se beoefening onmiddellik gestaak word.

Afrigters mag betrokke wees by die span waar sy/haar kinders betrokke is, indien toestemming verkry is van die sportbestuur.

1.4 **SPANKEUSES**

Spankeuses is uitsluitlik volgens die afrigter se diskresie. Spanne sal gekies word binne die raamwerke van die verskeie sportbeleide en is onderhewig aan die bepalings en doelwitte vir sport in die algemeen.

Geen inmenging, hetsy deur manipulasie, intimidasie of enige ander vorm van inmenging van spankeuses deur ouers, buite persone, instansies of borge sal toegelaat word nie. Indien 'n afrigter onseker is oor 'n keuse van 'n span, mag so 'n afrigter opinies en/of insette van ander afrigters in die skool of die sportbestuur inwin. Die finale spankeuse berus egter steeds by die betrokke afrigter. Indien daar enige onenigheid ontstaan aangaande spankeuses kan dit onder die aandag van die sportbestuur gebring word waar indien nodig 'n arbiter aangestel sal word om op te tree.

1.5 **OUERDOMSVERTENWOORDIGING**

Ouderdomsverteenwoordiging moet toegepas word soos onderskryf in die verskeie sportbeleide. Dit is nie moontlik om dieselfde reël van toepassing te maak op al die onderskeie sportsoorte nie as gevolg van die uniekheid waarbinne elke sportsoorte bedryf word.

Daar is egter 'n algemene beginsel van toepassing: Indien 'n speler geleentheid het om in sy eie ouderdomsgroep deel te neem, sodanige speler nie toegelaat sal word om in 'n ander ouderdomsgroep deel te neem nie. Uitsondering mag gemaak word in die geval waar 'n speler in Gr 7 is, maar nog 0/12 is en dus nooit 'n geleentheid sal hê om vir 'n 0/13A-span te speel nie.

Dit steun die hoofdoelwit vir sport wat bepaal dat elke leerder die geleentheid gebied moet word om aan sportaktiwiteite deel te kan neem.



1.6 OUERBETROKKENHEID EN GEDRAG

Ouerbetrokkenheid en goeie gedrag gaan hand aan hand en is ononderhandelbaar by Louis Leipoldt.

Skoolsport is daar vir die eerste kennismaking met sport en ontwikkeling van ons jong spelers. Daar word van ouers verwag om die leerders toe te laat om op hul eie unieke manier te ontwikkel in die sportsoort waar hul tuis voel. Ouers, afrigters en buite-afrigters is slegs fasiliteerders.

Elke volwasse persoon betrokke se rol word beperk tot positiewe ondersteuning van die spelers in die poging om 'n liefde vir 'n sport te kweek en ontwikkel. Ondersteuning verwys na fisiese- en emosionele ondersteuning, asook die positiewe voorbeeld van goeie sportmansgees.

Geen wangedrag deur enige volwasse persoon (ouers, afrigters, hulp-afrigters en instansies) sal geduld word nie en die nodige stappe sal geneem teen so 'n persoon.

1.7 SPORTDRAG, TOERUSTING EN FASILITEITE

Sportdrag word omskryf in die onderskeie sportbeleide. Prosedures en voorskrifte moet gevolg word vir goedkeuring vir enige wysigings of afwykings van standaard sportdrag. Hierdie goedkeuring moet verkry word vanaf die sportbestuur en beheerliggaam.

Afrigters moet tydens sportbyeenkomste Louis Leipoldt se trots wees en netjies geklee wees in hul onderskeie sporte se voorgeskrewe drag.

Louis Leipoldt poog om sover moontlik alle toerusting beskikbaar te stel vir sportsoorte wat deur die skool aangebied word.

Indien beskermde drag benodig word, moet afrigters poog dat elke speler sy eie benodighede aanskaf soos bepaal in die onderskeie sportbeleide.

Indien Louis Leipoldt nie oor voldoende fasiliteite beskik om 'n sport suksesvol te beoefen nie, sal daar gepoog word om voldoende fasiliteite in die direkte omgewing te gebruik. Sodoende kan meer spelers die geleentheid gebied word om sport te beoefen.

1.8 BORGE

Spanne mag deur buite instansies en/of ouers geborg word.

NB: Geen spankeuses sal beïnvloed word deur enige borg wat ontvang is nie.

Geen ander span mag beter uitgerus wees as die A-spanne nie. Unieke baadjies is die voorreg van die eerste spanne, maar moet voorgelê word vir goedkeuring. Sakke, pette en visors moet wees soos deur skool voorsien, met die opsie om borg so logo daarop aan te bring. Kleredrag moet volgens die skool se kleure geskied, met korrekte logo/wapen. Geen ander spanne mag spandrag na ligawedstryde dra nie. Oefendrag mag egter vir alle spanne geborg word.



1.9 OEFENING

Daar moet geпоог word om so min as moontlik oefeninge af te stel. Oefening vind plaas op dae, tye en plekke soos voor die aanvang van 'n seisoen deur die organiseerder en sporthoof in samewerking met die skoolhoof en adjunkhoof vasgestel.

Spelers wat nie 'n geskeduleerde oefening kan bywoon nie, moet persoonlik gedurende die dag sy verskoning aanbied by die betrokke afrigter. Sou die speler afwesig wees van skool op die spesifieke dag, moet ouers die skool telefonies in kennis stel.

Spelers wat nie 'n verskoning aanbied nie, moet die volgende dag opgevolg word. Spelers wat sonder 'n verskoning wegbly van oefeninge af, se saak sal op meriete hanteer word by die kies van spanne. Indien 'n speler herhaaldelik, sonder 'n geldige verskoning by oefening wegbly, kan sy gestraf word deur haar plek te verloor en vervang word met 'n speler wat wel getrou oefening bywoon.

Geen speler sal weggewys word vanaf oefeninge nie. Sodanige speler sal nie noodwendig 'n ander speler vervang om wedstrydgeleentheid te kry nie.

Enige ander oefentye is welkom, maar moet met die organiseerder gereël word en mag nie bots met ander sport/kultuuraktiwiteite wat reeds reëlings het nie. Geen addisionele oefening op Woensdae nie. 'n Spelers mag nie gepenaliseer word indien sy nie 'n addisionele oefening kan bywoon nie.

Sou die behoefte daar wees, moet daar voor 10:00 die oggend besluit word of 'n oefening gaan plaasvind en of dit afgestel gaan word. 'n Besluit om 'n oefening te kanselleer, word nie weer herroep nadat die afrigters, spelers en ouers van so 'n besluit in kennis gestel is nie. Indien enigiemand se veiligheid op die spel is, moet die oefening onmiddellik gestaak word.

Indien 'n oefening voor 10:00 afgestel word, is dit die sporthoof se verantwoordelikheid om toe te sien dat spelers se ouers in kennis gestel word met die nodige verandering van reëlings. Indien 'n oefening na 10:00 afgestel word, sal inligting steeds deurgegee word na die ouers, maar die afrigter is verantwoordelik vir die toesig van die spelers tydens die geskeduleerde oefentyd. Dieselfde reëling geld as 'n oefening gestaak moet word voor die einde van die oefentyd.

1.10 NOODHULP

Tydens interne skoolproewe, moet daar altyd noodhulp op bystand wees. Afrigters moet tydens oefening toegang hê tot die skool se noodhulp toerusting.

Geen tuiswedstryd mag afskop sonder gekwalifiseerde noodhulpdienste op die terrein nie. In geval van 'n besering word die situasie deur die betrokke afrigter hanteer. Na afloop van wedstryde moet die afrigter ernstiger beserings met die ouers opvolg en die nodige ondersteuning aan die speler bied.



1.11 TOERE, KLINIEKE, KAMPE EN/OF UITSTAPPIES

Toere, klinieke, kampe en/of uitstappies moet volgens voorskrifte by die departement geregistreer word soos bepaal deur die Sport- en Opvoedkundige Toerbeleid. Alle toere, klinieke en/of kampe buite Gauteng se grense, waar oorgeslaap word, moet 3 maande voor die tyd by die departement ingehandig word vir goedkeuring.

Toere, klinieke en kampe sal goedgekeur word in oorlegpleging deur hoof, adjunkhoof en sporthoof nadat die organiseerder 'n voorlegging gedoen het om kostes so laag as moontlik te hou.

Ten tye van toere, klinieke, kampe en/of uitstappies is afrigters te alle tye verantwoordelik vir die veiligheid en geborgenheid van die spelers.

1.12 KLAGTES EN PROSEDURES

Enige klagte rakende 'n Louis Leipoldt speler op die sportveld moet met die betrokke afrigter bespreek word. Sulke klagtes sal na die organiseerder, sporthoof, adjunkhoof en skoolhoof deurgegee word.

Klagtes moet so spoedig moontlik gekanaliseer word sodat uitsluitel gegee kan word. Indien daar klagtes is aangaande afrigters moet dit direk na die skoolhoof verwys word. Sit klagtes op skrif indien 'n formele antwoord verlang word.

1.13 VERVOER EN VEILIGHEID

Afrigters wat spelers vervoer moet oor 'n geldige openbare bestuurspermit beskik. Dit moet so veilig moontlik geskied en so 'n afrigter, indien daar nie personeel is wat busdiens doen nie, is verantwoordelik vir die spelers vanaf die oomblik wat die voertuig die skoolgronde verlaat tot die oomblik wat die voertuig terug is by die skool en die spelers terugbesorg is aan die ouers.

Afrigters moet altyd hul spanne vergesel na byeenkomste.

Skoolbussies moet 'n week voor die tyd by die sporthoof bespreek word deur die organiseerder sodra datums en bepalings bekend is. Indien afrigters van privaat vervoer gebruik maak, moet die ouers skriftelik toestemming gee. Ouers wat help met vervoer moet deeglik ingelig word dat hulle spelers net van die skool na die sportbyeenkoms en dadelik terug na die skool mag vervoer. Departementele vrywaringsvorme moet vir die seisoen ingevul word, asook busbriefies elke week.

1.14 AFSLUITINGSFUNKSIE

Daar mag aan die einde van 'n seisoen 'n afsluitingsfunksie gehou word na gelang van behoefte van die onderskeie sportsoorte. Die formaat van die funksie sal jaarliks bepaal word deur die organiseerder. Met betrekking tot hierdie funksie sal pligstate deur die organiseerder opgestel word en aan elke afrigter gegee word.



1.15 SPORT MERIETEFUNKSIE

Daar word aan die einde van die jaar tydens die sport merietefunksie 'n speler van die jaar vir elke sportsoort aangewys. Dit word bepaal volgens die beste speler en/of die hoogste prestasie wat die seun/dogter deur die loop van die seisoen behaal het. Erkenning word gegee aan spanne wat ligawenners is, asook alle spelers wat die sportsoort op provinsiale of nasionale vlak verteenwoordig het. Sien bepalings soos vervat in elke beleid afsonderlik. Indien spelers provinsiale kleure vir 'n klub gekry het, sal hulle erkenning kry en 'n meriete sertifikaat ontvang.

Sportseun en sportdogter word gekies op veelsydigheid, en nie op 1 enkele beste vordering nie. Sportseun en dogter gaan oor hoeveel keer die leerder die skool verteenwoordig het.

1.16 SPORTKODES

Atletiek

Gholf

Hokkie (meisies)

Krieket (seuns)

Landloop

Netbal (Mini-Netbal)

Rugby (Bulletjie rugby)

Sagtebal

Tennis

Skaak